



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 15. Sessio quarta. S. Leonis Epistola iterum approbatur.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

tentiam affixo Edicto, & ad omnem po-
pulum Constantinopolitanum, & Calce-
donensem directo, promulgavit; in ea
tabella monebatur etiam populus, nul-
lam spem Dioscoro, ut falso jaçtabat, re-
stitutionis superesse. Acta Patres ad Im-
peratores Valentinianum, & Marcianum,
atque Imperatricem Pulcheriam perscri-
pserunt. Hæc in tertia Sessione gesta.

§. XV.

*Sessio quarta. S. Leonis Epistola iterum
approbatur.*

Sessio quarta exinde post quatrimum,
nempe decimo sexto Kalendas Nov. v. 467.
seu decima septima Octobr. Magistratibus p. 470.
præsentibus, celebrata. Primo præcepe-
runt, ut ea rursus legerentur, quæ sub
finem Sessionis primæ, & initium secun-
dæ decreverant, Examen Quæstionis de
Fide post dies quinque esse differendum.
Postea Legatos rogarunt, ut edicerent,
quid Concilium de Fide definiisset. Pas-
casinus dixit: *Sacrum Concilium ea am-
plectitur, quæ in Concilio Nicæno, & in* p. 471.
*Concilio Constantinopolitano sub Magno
Theodosio definita fuere, sicut etiam Ex-
positionem Ephesi a S. Cyrillo compositam.
Præterea Epistolæ a Leone Papa, adversus
Hereses Nestorii, & Eutychis scriptæ, ve-
ram Fidem exposuerunt; has quoque Sa-
crum Concilium recipit, quibus nihil ad-*

Sæculum V.
A. C. 451

Sæculum V. di, nihil adimi potest. Ubi hoc Pascaſini
A. C. 451. effatum ab Interpretibus Græce reddi-
 tum est, Episcopi exclamarunt: *Hæc om-
 nium nostrum una est Fides! in hac bapti-
 zati sumus! in hac etiam baptizamus. Hæc
 semper credidimus, hæc hodieque credi-
 mus!* Magistratus dixerunt: *In præsen-
 tia Sanctorum Evangeliorum cupimus, ut
 quisque vestrum edicat, an Expositio tre-
 centorum, & octodecim Patrum Nicæno-
 rum, & centum quinquaginta Patrum
 Constantinopolitanorum Epistolæ Reve-
 rendissimi Archiepiscopi Leonis consenta-
 nea sit.*

Anatolius Archiepiscopus Constanti-
 nopolitanus dixit: *Epistola Sanctissimi
 Archiepiscopi Leonis Symbolo Nicæno,
 Symbolo Constantinopolitano, & iis, quæ
 in Concilio Ephesino sub S. Cyrillo, ubi Ne-
 storius depositus fuit, decreta, consentanea
 est; ideoque consensi, & lubenti animo
 signum apposui.* Pascaſinus omnium Le-

S. Leonis gatorum nomine dixit: *satis exploratum
 epistola. est, Papæ Leonis Fidem Doctrinæ Patrum
 Concilii Nicæni, Constantinopolitani, &
 Definitioni Concilii Ephesini sub Sancto
 Cyrillo, consentire, & nullatenus differre;
 hinc Epistola Papæ, qui ut nascentem Eu-
 tychis Hæresin opprimeret, Fidei Confes-
 sionem renovavit, tanquam in eodem Spi-
 ritu scripta, recepta est.* Maximus An-
 tiochenus dixit: *Sanctissimi Archiepiscopi
 Leo-*

Leonis Epistola Expositioni Nicæna, Constantinopolitana, & Ephesina similis est; ideo subscripsi. Sæculum V.
A.C. 451.

Stephanus Ephesinus, Diogenes Cyzicenus, Cyrus Anazerbensis, Constantinus Bostrensis, omnesque alii, ferme centum, & sexaginta Patres, eodem modo S. Leonis epistolam approbarunt, & se eidem subscripsisse, quod eam Patrum Fidei consentaneam invenissent, testati sunt.

p. 474.

Episcopi ex Epiro, Macedonia, Thessalia, Græcia, & Creta, id est, ex toto Illyrico Orientali, Declarationem suam scriptam tradiderunt, quam nomine omnium Episcopus Philippensis, (*) cui Nomen Sozon, dictaverat, in hunc modum: *Trecentorum, & octodecim Patrum servamus Fidem, in qua salus nostra est, & in qua mori cupimus. Ab ea centum quinquaginta Patrum Doctrina diversa non est. Omnia etiam illa observamus, quæ in Concilio Ephesino, ubi Beatus Cælestinus, & Beatus Cyrillus (**)* præfuerunt, definita

p. 490.

p. 491.

Pp 5 sunt;

(*) Ecce Episcopum Philippensium, ad quos S. Paulus scripsit!

(**) Der Leser wird sich erinnern, wie sehr sich der Protestantische Uebersetzer bemühet habe, darzuthun, daß der Heil. Cyrillus auf keine Weise in der rechtmäßigen Ephesinischen Kirchenversammlung im Namen des Pabstes vorgestanden. Wer verdienet aber mehr Glauben, so ein Stümper, oder

Sæculum V. sunt; præterea persuasum nobis habemus, A. C. 451. Sanctissimum Archiepiscopum Leonem esse maxime Orthodoxum; omne nobis dubium circa Epistolam ejus Legati Pascasinus, & Lucentius exemerunt, & ea, quæ in modo loquendi diversa esse videbantur, explicarunt; quippe, postquam in domo Archiepiscopi Anatolii, ut præcepistis, convenissemus, Romani illos omnes anathematizarunt, qui Domini Nostri Jesu Christi carnem, de Sancta Virgine sumptam, a Divinitate separant, illos etiam, qui Jesu Christo omnia ea, quæ ipsi tanquam Deo, & tanquam homini propria sunt, sine confusione, sine mutatione, sine divisione, non tribuunt. Itaque, cum nullus dubitationi superesset locus, quin Leonis epistola Patrum Doctrinæ omnino congruat, consensimus, & manum apposuimus. Hanc confessionem Episcopi Illyrici viva voce confirmarunt. Episcopi Palæstinæ quoque chartam communi omnium nomine tradiderunt, in quo scripto fatebantur, se credidisse, in epistola S. Leonis quædam verba legi, quæ divisionem, & separationem indicarent, sed Legatos omnem dubitationem sibi abstulisse.

§. XVI.

oder die Bischöfe aus Epirus, Macedonien, Thessalien, Griechenland, und Creta? Die Muthmassungen des Dupin sind auch nicht so erheblich, daß sie dieses Zeugniß der Bischöfe aus dem ganzen Orientalischen Ägypten entkräften könnten.

p. 494.